

全上古三代秦漢三國六朝文

全晉文卷一百二

烏程嚴可均校

陸雲

與兄平原書 三十五首

一日案行并視曹公器物牀薦席具有寒夏被七枚介幘如吳幘  
平天冠遠遊冠具在嚴器方七八寸高四寸餘中無鬲如吳小人  
嚴具狀刷鳳處尙可識梳枇剔齒織縋皆在拭目黃絮二在有垢  
黑目淚所沾汚手衣臥籠挽蒲棋局書箱亦在奏案大小五枚書  
車又作欹枕曰臥視書扇如吳扇要扇亦在書箱五枚想兄識彥  
高書箱甚信之筆亦如吳筆硯亦爾書刀五枚琉璃筆一枝所希  
聞景初三年七月七日劉嬖奸折之見此期復使人悵然有感處  
器物皆素今送鄴宮大尺閒數前已白其總帳及望墓田處是清  
河時臺上諸奇變無方常欲問曹公使賊得上臺而公但曰變譎

因旋避之若焚臺當云何此公伯亦不能止文昌殿北有閣道去

殿丈内中在東殿東便屬陳留王内不可得見也本集又略見書

御覽三十一六百八十七七百七十七百十又七百十一七百十四又七百十四七百十七八百十九

一曰上三臺曹公藏石墨數十萬斤云燒此消復可用然煙中人

不知兒頗見之不今送二螺省曹公遺事天下多意長才乃當爾

作樊屋向百年于今正平夷塘乃不可得壞便曰斧斫之耳爾定

曰知吏稱其職民安其業也本集又略見御覽六百一

雲再拜前省皇甫士安高士傳復作逸民賦今復送之如欲報稱

久不作文多不悅澤兄為小潤色之可成佳物願必畱思四言五

言非所長頗能作賦為欲作十篇許小者曰為一分生于愁思遂

復文誨欲得雲論間在郡紛紛有所鉤定言語流行斷絕欲更定

之而了不可曰思慮今自好醜不可視想冬下體中佳能定之耳

兄文章已自行天下多少無所在且用思困人亦不事復及曰此

自勞役閒居恐復不能不願當口消息謹啟

雲再拜祠堂頌已得省兄文不復稍論常佳然了不見出語意謂非兄文之休者前後讀兄文一再過便上口語省此文雖未大精然了無所識然此文甚自難事同又相侶益不占皆新綺用此已自爲洋洋耳荅少明詩亦未爲妙省之如不悲苦無惻然傷心言今重復精之一日見正叔與兄讀古五言詩此生歎息欲得之謹啟

雲再拜二祖頌甚爲高健雲作雖時有一佳語見兄作又欲成貧儉家無緣當致兄此謙辭又雲亦復不曰苟自退耳然意故復謂之微多民不輟歎一句謂可省武烈未得有吳說桓王之事而云建其孤恐太祖不得爲桓王之孫雲前作此頌及信曰白兄作遊仙詩故自能劉氏頌極佳但無出言耳二頌不減復過所望如此已欲解此公之半歲暮賦甚欲成之而不可自用得此百數十字

今送不知于諸賦者不罷少不想少佳成當送到洛陳琳大荒甚極自雲作必過之想終能自果耳謹啟

雲再拜兵真凶事生來初不見習頃觀之正自使人意惡羊腸轉時極佳問人皆不解何曰作此轉雖云欲相泄恐此正自取好耳說之不能工願兄試一說之張義元荅員淵之回流崑崙吐河不體正自信急水中山石閒是人謂回縛者但言之辭不工耳不知此中語于諸賦中何如頃曰極勿勿病一十當出略通日在馬上此不可諧又恐信不及兄今曰因休祖致又力作無錫書極無賴甚不備具如是更白問于中

雲再拜誨欲定吳書雲昔嘗已商之兄此真不朽事恐不與十分好書同是出千載事兄作必自與昔人相去辨亡則已是過秦對事求當可得耳陳壽吳書有魏賜九錫文及分天下文吳書不載又有嚴陸諸君傳今當寫送兄體中佳者可竝思諸應作傳及作

引甚單常欲引之未得兄所作引甚好雲方欲更作引述思賦當  
自竭厲然雲意皆已盡不知本復何言方當積思思有利鈍如兄  
所賦恐不可須願兄且目示伯聲兄弟前日觀習先欲作講武賦  
因欲遠言大體欲獻之大將軍才不便作大文得少許家語不知  
此可出不故鈔目自兄若兄意謂此可成者欲試成之大文難作  
庶可目爲關雎之見微謹啟

雲再拜爾乃使熊羆之士虓閭之將雄聲泉踊逸氣風亮超三軍  
曰奔厲賈餘勇曰成壯兆洪音于寂寞先無聲而高唱元兵時紛  
若屯雲煥若積波授教斯謐靜言謹嚴鼓隱其重威萬夫翁而咸  
和治安步曰止立應金奏而靡戈進總干曰乘言退揮旅而星羅  
禮既畢歸旅將振尋縈員轉因瀨蓋旋若疾流之繞駿沈驚颯之  
靡狂塵羊腸轉時命屏翳曰夕降式飛廉而朝興涂蒙雨而後清  
景帶天而先澄陪暖臣于彫輅列名僚于後乘猛將起而虎嘯商

風肅其來應士憑勢而響駭馬噓天而景凌

案此即雲書所謂講武賦也張溥本移此

一首入賦類題曰羊腸轉賦大誤又案本集南征賦有命屏翳日夕降十語

雲再拜省諸賦皆有高言絕典不可復言頃有事復不大快凡得再三視耳其未精倉卒未能為之次第省述思賦流深情至言實為清妙恐故復未得為兄賦之最兄文自為雄非累日精拔卒不可得言文賦甚有辭綺語頗多文適多體便欲不濇不審兄呼爾不詠德頌甚復盡美省之惻然扇賦腹中愈首尾發頭一而不快言烏云龍見如有不體感逝賦愈前恐故當小不然一至不復滅漏賦可謂清工兄頓作爾多文而新奇乃爾真令人怖不當復道作文謹啟

雲再拜祠堂贊甚已盡美不與昔同既此不容多說又皆一事非兄亦不可得見弔少明殊復勝前弔蔡君清妙不可言漢功臣頌甚美恐弔蔡君故當為最使雲作文好惡為當又可成耳至于定

兄文唯兄亦怒其無遺情而不自盡耳。丞相贊云披結散紛辭中原不清利。兄已自作銘。此但須實事耳。亦謂可如兄意。真說事而已。若當復屬文于引。便當書前路耳。謹啟。

雲再拜。往日論文先辭而後情尚繁而不取悅澤。嘗憶兄道張公文子論文實自欲得。今日便欲宗其言。兄文章之高遠絕異。不可復稱言。然猶皆欲微多。但清新相接。不目此爲病耳。若復令小省。恐其妙欲不見。可復稱極。不審兄由。呂爲爾不。茂曹碑皆自是蔡氏碑之上者。比視蔡氏數十碑。殊多不及言。亦自清美。愚曰無疑。不存三祖贊。不可聞武帝贊。如欲管管流澤。有呂常相稱美。如不史願更視之。小跛幾而悅奕爲盡理。雲今意視文乃好清省。欲無目尚。意之至此。乃出自然。張公在者必罷。必復曰。此見調。不知九慙不多。不當小減。九悲九愁。連日鈔除所去甚多。才本不精。正自極此願。兄小爲之。定一字兩字出之。便欲得。進望不言。謹啟。



雲再拜仲宣文如兄言實得張公力如子桓書亦自不乃重之兄詩多勝其思親耳登樓賦無乃煩感丘賦弔夷齊辭不爲偉兄二弔自美之但其呵二子小工正當曰此言爲高文耳文中育子是爾乃于轉句誠佳然得不用之益快有故不如無又于文句中自可不用之便少亦常云四言轉句曰四句爲佳往曾曰兄七羨回煩手而沈哀結上兩句爲孤今更視定自有不應用時期當爾復曰爲不快故前多有所去喜齊俯順習坎仰熾重離此下重得如此語爲佳思不得其韻願兄爲益之謹啟

雲再拜嘗聞湯仲歎九歌昔讀楚辭意不大愛之頃日視之實自清絕滔滔故自是識者古今來爲如此種文屯爲宗矣視九章時有善語大類是穢文不難舉意視九歌便自歸謝絕思兄常欲其作詩文獨未作此曹語若消息小往願兄可試作之兄復不作者恐此文獨單行千載閒常謂此曹語不好視九歌正自可歎息王

衰作九懷亦極佳恐猶自繼真立盛稱九辯意甚不愛  
雲再拜頃得張公封禪事平平耳不及李氏其文無比恐非其所  
作欲見此公劉氏世頌有信願付雲頃又爲輔吳奮威作頌欲愈  
前頌然意竝不巳快遣信當送九愍三賦脫然謂可舉意假彼頌  
便有怯處想無又閒便可耳大類不便作四言五言謹啟

雲再拜誨二賦佳久不復作文又不復視文章都自無次第文章  
旣自可羨且解愁忘憂但作之不工煩勞而棄力故久絕意耳在  
此悲思視書不能解前作二篇後爲復欲有所作已慰小思慮便  
大頓極不知何已乃爾前登城門意有懷作登臺賦極未能成而  
崔君苗作之聊復成前意不能令佳而羸瘁累日猶云逾前二賦  
不審兄平之云何願小有損益一字兩字不敢望多音楚願兄便  
定之兄音與獻彥之屬皆願仲宣須賦獻與服繁張公語雲云兄  
文故自楚須作文爲思昔所識文乃視兄作誄又合結使說音耳

兄所撰願且可付之此有書者更校善書送信還望之謹啟

雲再拜疏成高作未得去省登還傳因作登還頌須與便成視之復謂可行今竝送之尚未定利及比信今更有何所損益後八人了無事合會之才得二篇耳索度是淫鬼無緣在此中故不可作頌愁邑忽欲復作文臨時輒自云佳小久報不能視爲此故息意文欲定前于用功夫大小文隨了爲曰解愁作爾今視所作不謂乃極更不自信恐年時閒復損棄之徒自困苦爾兄小加潤色便欲可出極不苦作文但無新奇而體力甚困瘁耳謹索幼安在此令之草今住一弘不呼作工謹啟

雲再拜誨頌兄乃曰爲佳甚曰自慰文章當貴經緯如謂後頌語如漂漂故謂如小勝耳九慙如兄所誨亦殊過望雲意自謂當不如三賦情難非體中所長欲徧周流雲意亦謂爲佳耳然不云其逾于與漁父吾今多少有所定及所欲去畱粗爾今送本往不審

能勝故不意亦殊未白爲了南去轉遠洛中匆匆少暇願兄救所遣雷爲當爾可須來不佳思慮益處未能補所欲夫微與察皆不似日韻思惟不能得願賜此一字雲作文如兄所論已過所望況乃當敢今兄有張蔡之懷得此乃懷怖也謹啟

雲再拜誨歲暮如兄如所誨雲意亦如前啟情言深至述恩自難希每憶常侍白論文爲當復自力耳雲意呼發頭但當小不如復耳兄乃不好者試當更思之所誨雲文所比愁霖喜霽之徒實有可爾者登樓名高恐未可越爾楊四公黃胡頌恐此不得見比聞兄此誨若有喜懼交集祖德頌無大諫語耳然靡靡清工用辭緯澤亦未易恐兄未熟視之耳兄文方當日多但文實無貴于爲多多而如兄文者人不厭其多也屢視諸故時文皆有恨文體成爾然新聲故自難復過九悲多好語可耽詠但小不韻耳皆已行天下天下人歸高如此亦可不復更耳兄作大賦必好意精時故願

兄作數大文近日視子安賦亦對之歎息絕工矣兄誨又爾故自是高手謹啟

雲再拜蔡氏所長唯銘頌耳銘之善者亦復數篇其餘平平耳兄詩賦自與絕域不當稍與比校張公昔亦云兄新聲多之不同也典當故爲未及彥臧亦云爾又古今兄文所未得與校者亦惟兄所道數都賦耳其餘雖有小勝負大都自皆爲雌耳張公父子亦語雲兄文過子安子安諸兄賦復不皆過其便可可不與供論雲謂兄作二京必得無疑久勸兄兄爲耳又思三都世人已作是語綉類長之能事可見幽通賓戲之徒自難作賓戲客語可爲耳答之甚未易東方士所不得全其高名頗有荅極謹啟

雲再拜賦九愍如所敕此自未定然雲意自謂故當是近所作上近者意又謂其與漁父相見曰下盡篇爲佳謂兄必許此條而淵弦意呼作脫可行耳至兄唯曰此爲快不知雲論文何曰當與兄

兄文書  
文九

兄賦書

賦兄

得下流

傳字

兄文書

文九

意作如此異。此是情文。但本少情。而頗能作汜說耳。又見作九者。多不祖宗原意。而自作一家說。唯兄說與漁父相見。又不大委曲。盡其意。雲曰原流放。唯見此一人。當爲致其義。深自謂佳。願兄可試。更視與漁父相見時語。亦無他異。附情而言。恐此故勝淵。弦兄意。所謂不善。願疏救其處。緒亦欲成之。令出意。莫更感。如惡所在。曰兄文。雲猶時有所能。得言雲前後所作。謹啟。

雲再拜。誨前二賦佳。視之行已復不如初。昔文自無可成。臧之甚密。而爲復漏顯。世欲爲益者。豈有謂之不善而不爲。懷此不成意。想兄已得懷之耳。有作文唯尚多。而家多豬羊之徒。作蟬賦二千餘言。隱士賦三千餘言。旣無藻偉體都。自不佞事。文章實自不當多。古今之能爲新聲絕曲者。無又過兄。兄往日文雖多。瑰鑠至于文體。實不如今日。閒在洛有所視。已當赦。而比更隆。曰今意觀文。見此真與。曰爲不盡善。文罷云。故日向人歎。兄文人終來同。殆曰。

此爲病。張公文無他異，正自情省無煩。長作文正爾，自復佳。兄文章已顯一世，亦不足復多。自困苦適欲白兄，可因今清靜盡定。昔日文但當鈎除，差易爲功力。誨已定，敬長誅意當闕。與兄合，雲久絕音于文章。由前日見教之後，而作文解愁聊復作數篇爲復欲有所爲。已忘憂貧家佳物便欲盡，但有錢穀復羞出之。而體中殊不可目思慮，腹立滿背便熱亦試可悲。聞視大荒傳欲作大荒賦，既自難工，又是大賦恐交自困絕異。往經比干墓，悵然欲弔之，無又卽意又事業。缺

雲再拜。張公藏誄自過五言詩耳，但雲自不便五言詩。由已而言耳。玄泰誄自不及士祚誄，兄丞相箴小多，不如女史清約耳。恐兄無緣思于此意，猶云何而況乃有高倫更復無意。雲故曰不作文而常少張公文。今所作兄輒復云過之，得作此公輩，便可斐然。有所謝故自爲不及諸碑藏，輩甚極不足與校。歌亦平平，彼見人讚。

敘者當與令伯倫吳百官次第公卿名伯略盡識少交當具頌作  
頌及吳事有怡然且公傳未成諸人所作多不盡理兄作之公私  
並敘且又非常業從雲兄來作之今略已成甚復可借事少功夫  
亦易耳猶可得五十卷謹啟

義高家事正當付令文耳弟彥長昔作吳事云三十卷可令欽求  
謹啟

雲再拜吳書是大業既可垂不朽且非兄述此一國事遂亦失兄  
諸列人皆是名士不知姚公足爲作傳不可著儒林中耳不大識  
磨于正事愚謂常侍便可連于尚書傳下書定自難雲少作書至  
今不能令成日見其不易前數卷爲時有佳語近來意亦殊已莫  
莫猶當一定之恐不全此七卷無意復望增欲作文章六七紙卷  
十分可令皆如今所作輩爲復差徒爾文章誠不用多苟卷必佳  
便謂此爲足今見已向四卷比五十可得成但恐胸中成癩爾恐



兄胸疾必述作人故計兄凡著此之自損胸中無緣不病作書猶  
差易讚敝亦復無幾年歲根之猶當小復謹啟

雲再拜一日會公大欽欣命坐者皆賦諸詩了不作備此日又病  
極得恩惟立草復不爲乃倉卒退還猶復多少有所定猶不副意  
與頌雖同體然佳不如頌不解此意可已王弘遠去當祖道侶當  
復作詩搆作此一篇至積思復欲不如前倉卒時不知爲可存錄  
不諸詩未出別寫送弘遠詩極佳中靜作亦佳張魏郡作急就詩  
公甚笑燕王亦倡不復祖道弘遠已作爲存耳兄園蔡詩清工然  
猶復非兄詩妙者雲詩亦唯爲彼一語如佳先已先得便自委頓  
欲更作之昔如已身先此篇詩了不復何佛識有此語此語于常  
言爲佳謹啟

雲再拜久不復作文了無復次第真玄昔屢聞周侯至論前比霖  
雨此不人亦作愁霖賦好醜見教又因人見督自愁慘又了無復

意此家勤勤難違之亦復毒此雨憂邑聊作之因言哀思又作  
喜齋今送雲作爲易得耳窮不好故都絕意此閒人呼作者皆休  
故不得有所送不審此何成已出之故爲存不棄耳謹啟

雲再拜一日視伯喈祖德頌亦已述作宜褒揚祖考爲先聊復作  
此頌今送之願兄爲損益之欲令省而正自輒多欲無可如省碑  
文通大悅愉有侶賦愚謂小復質之爲佳前作此頌書之行欲遣  
信白兄昨聞有賦消息愁憤無賴既冀又然又已成書聊白付  
信耳尋得李寵勸封禪草信自有才頗多煩長耳令送閒人又有  
張公所作已令寫別送臨紙罔罔不知復所言謹啟

近得洛消息滕永適去二十日書彥先訪爲驃騎司馬又云侶未  
成已訪難解耳敬屬司馬參軍此聞復失之恨不得與周旋戴允  
治見訪大司馬謹啟

雲再拜君苗文天才中亦少爾然自復能作文雲唯見其登臺賦

及詩頌作愁霖賦極佳頗傲雲雲所如多恐故當在二人後然未  
究見其文見兄文輒云欲燒筆硯書鈔一百四一旨爲此故不喜出之曹  
志苗之婦公其婦及兒皆能作文頃借其釋詢二十七卷當欲百  
餘紙寫之不知兄盡有不李氏云雪與列韻曹便復不用人亦復  
云曹不可用者音自難得正謹啟

近日復案行曹公器物取其剔齒纖一箇今送旨見兄御覽七百十四作今  
寄兄于道有古方泉其銘如此不審兄頗曾見此書種稷不近  
因會引旨問祕中書謹啟

雲再拜今送君苗登臺賦爲佳手筆云復更定復勝此不知能逾  
之不其人能推兄文不可言作文百餘卷不肖出之視仲宣賦集  
初述征登樓前卽甚佳其餘平平不得言情處此賢文正自欲不  
茂不審兄呼爾不眞玄亦云兄文當作宣輩宣得此巍巍耳愁霖  
喜霖殊自委頓恐此都自易勝謹啟

雲再拜。誨頌兄意，乃曰：爲佳甚。曰：自慰。今易上韻，不知差前不。不佳者，願兄小爲損益。今定。下云：靈旆電揮，因兄見許，意遂不恪。不知可作蔡氏祖德頌。比不景，缺有蔡氏文四十餘卷。小者六七紙。大者數十紙。文章亦足爲然。然其可貴者，故復是常所文耳。雲頃不佳思慮，胸腹如鼓，夜不便眠了不可。又曰：有意兄不佳文章，已足垂不朽，不足又多謹啟。

雲再拜。稽紹周弼竝處事不值免，詔甚切甚。念之悚息。胡光祿亡，宿士可痛。含邠還云：滔中書散騎竝缺，是其才不知。何曰：乃古之謹啟。

雲再拜。頃哀思更力，成歲暮賦，適且畢，猶未大定。自呼前後所未有，是雲文之絕無。又憶兄常云：文後成者恆謂之佳。貞小爾恐數自後轉不如。今且欲寄之，旣未大定，又恐此信至，兄已發。當因著洛，謹啟。

雲再拜。兄前表甚有深情遠旨，可耽味高文也。兄文雖復自相爲作多少，然無不爲高體中不快，不足復目自勞役耳。前集兄文爲二十卷，適訖一十，當黃之書不工，紙又惡，恨不精謹，啟。

答兄書

修庭樹蓬

文選類延之和  
謝靈運詩注

與朱光祿書

少長之禮，教化所崇。中葉陵遲，舊章廢替。追惟前訓，思遵在昔。敢慕高義，謹奏下敬。

與張光祿書

長幼之序，人倫大司。季世多難，失敬在昔。敢希令典，求思自邁。謹奏下敬。呂藉虔疑。

顧令文彥先，每宣隆眷。彌泰之惠，懷德惟慙。守呂反側，旣晞仁風。委心自昵，加與沛君。分同骨肉，憑賴之懷。疑心如結。

加蒙願遇重目傾倒唯亮歸誠有行文敦素篤遠道實茂淑器敏  
既美思學又快南州良德今者東行望風自託其意繼繼願厚接  
納副其乃心

與嚴宛陵書

少長之序禮之大司晚節陵替舊章殘棄瞻言令典既慕欽承仰  
憑高風實副邦民謹秦下敬旨藉虔款思復未遠庶免悔吝

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百一終

全晉文卷一百三

烏程嚴可均校

陸雲

與戴季甫書

雲頓首頓首。惟夏始暑。願府館萬福。疾病處遠。人信希少。情問闕替。中間曠年。瞻慕敬想。輿言反側。隆敦比辱。慰誨銜抱。豐眷日增。愚迹不勝勤企。謹及君之書。不日備。

陸雲頓首頓首。曠遠日來。忽踰年載。宗想輝陸。引領惟慕。東歸之後。疾患增瘳。且道路悠遠。不值信便。久念自修。而經年不果。雖在伏枕。至于結心。注望實係光塵。累蒙誨命。舊眷惟新。執對之日。如或面展。長塗自替。聽誨末由。瞻企勤戀。守日委重。表不具。今更繼情。

季鸞公世相係祖。落俊德茂業。邦家之彥。一朝竝逝。永爾淪沒。哀

痛切裂不能自勝奈何奈何江南初平人物失敘當賴俊彥彌縫其闕加在二賢楚國之良沈寶積實未童大朝重惟痛恨言增哀咽誠念仁風鷲烈如在疇昔意愛所隆嗟悼之心誠不可言備蒙其分情兼切儻加承仁誨益自慙愴

武陵于荊州云多人士聞周孟子伍令明潘世長諸人竝爲美德心常依依今日遭遇良驥展力之秋也不審達者凡有幾人無因聽承誨語咨稟未聞每懷勤企表不盡言

長游前下停此十餘日想德欣喜無已爲喻分別恨恨于今戀之當暑遠涉益追心懸清粹沈茂思敏通微居德履道秉心眞實一時良彥君之別久見之懽察風姿美令心神烈曷已成美器欽愛之情款然至寶近聞若思未有通塗每用於邑

周安東昔奄薨徂追慕切紉不能自勝勳業有光早爾背世遺惠鄙州民物同哀備記名義情兼切裂在此會同每言高重武陵至



心款列誠念篤終必垂悽愴王季楊孝友行素既簡清塵在此接  
近備其所顧居心秉向用志不苟公私操實足爲美器今爲士斷  
品還此郡前羣小虛妄遂下其偏牒爲之憤歎人物遠主彝倫多  
失願垂末光益有曰淵區區至心謹復言意裁彥遠永昌猶爲遠  
小想其必有惠政耳

郭敬言蒸陽良才遠負爲之邑歎曰其姿望足曰致高想不久爾  
耳石行文在無錫大有清積一州之高功長吏此家行素道賓州  
閩所稱疇昔接事既盡其才願重榮益曰成其實凡在羽埃思附  
鳳翼風塵所集無不拭目

與楊彥明書

七首

雲白欽明去書不悉彥先來得書曰爲慰時去苒荏歲行復半悲  
此推移終然何及漸已欲熱想自如常悠悠守限良談未日眇然  
東望思已敘至及反憤罔不多行矣愛德往來相聞

陸雲白省示累紙重存往會益曰增歎年時可喜何速之甚昔年  
少時見五十公去此甚遠今日冉冉已近之已耳順之年行復爲  
憂歎也柯生而多悅樂春未厭秋風行戒已悲落葉矣人道多故  
懽樂恆乏敖遊此世當復幾時各爾水隔良會每闕懷想親愛寤  
寐無忘書無所悉

彥先來相欣喜便復分別恨恨不可言階塗尚否通路今塞令人  
惘然名論允進遠而有光者度此顯期不淹民望耳塵堂之士比  
迹山歎栖者悲豈唯一人少明湘公亦不成遷名公之舉且可曰  
爲資然今恨恨當行行復有宜耳

彥先相說疾患漸欲增廢深爲怛然行向衰篤疾來應百年之望  
雖未必此爲疑然親親所已相卹之一感耳想勸服藥行復向佳  
耳吾既常羸聞來體中亦恆少賴日爾勿勿則堪自力未速待罪  
會期難勉情之戀想何勞之多好自愛屢相聞

行言竟行，令人恨之。已當至未邪，能少留不。世明篤行至性，如前後所論語，其偶爾旋已能悟耳，而聞其遂于愆，其使愕然，蓋目所不可勝一國之清格乎。輒使絕意，彥先所一二。

戴會稽如是便發，分別恨然。一得名士，唯當有此。若此，失分重勞，令人歎息。善得日夕，真家人若恩望之。清才後類，一時之彥。善並得接，九月中可得達東禮。衡陽長沙甚快，東人近未復有見敘者。公進屈久恆，爲邑罔黨，方有清塗，薄國讓在內中，大有好稱。此家一時美德也，在事又佳，甚快甚快。

永耀已葬，冥冥遠矣。存想其人，痛切肝懷，奈何。聞伯華善佳，深慰存亡。人生有終，誰得免此。且使繼嗣克勝，堂構有紹，亦存亡之願也。朋類喪索，同好日盡，如此生輩，那可復多邪。臨書酸心。

與陸典書書

九首

雲再拜，自曠但爾已復經時，限制長路，惟親未期。嗛近晨風，傾匡

結言來誨綢繆篤眷彌隆誦翫千周曰當侍會靜言莫瞻翹翹仰  
慕大人汜愛在我尤弘每銜思戀何時去心限此省省願言用替  
遙瞻靈丘感時情傷往來信理自更繼情如有信唯不玉音

雲再拜侍郎比侍數會同邪常憶戀此君不慙有殞此君公私竝  
憎年長而志新齒邁而會勤家宗美者也常感其篤分封之始年  
相見重達其至心

雲再拜日月運邁何一流速銜哀經變思愈深亡靈處彼黃塘幽  
曠在遠之億心常愴裂含痛靡及悠悠奈何想時時復一省視思  
至心破無所厲情叔父一兄故尚未達想不久至耳深憂徒際公  
私哀罔曠離山墓永適異國四時靈寂桑梓靡循且念親各爾分  
析情感復結悲歎而已知大人每垂血逮也臨表悲猥絕筆餘哀  
不知所次

雲再拜每念彥先情兼剝裂年盛志美令姿可借舉言及不知心

傷也。

雲再拜。國土之邦。實鍾俊哲。太伯清風。遊世立德。龍蜿東嶽。三讓天下。垂化邁迹。百代所瞻。高蹤越于先民。盛德稱于在昔。續及延陵。繼響馳聲。沈淪漂流。優遊上國。聽音察微。智越眾俊。通幽暢遐。明同聖荷。言偃昭烈于孔堂。員武邁功于諸侯。自秀偉相承。明德繼踵。亦爲不少。吳國初祚。雄俊尤盛。今日雖衰。未皆下華夏也。來誨所及。遐邇同懷。重及二聖。下逮眾子。或生羌伏。或在邊域。動美之隆。實如嘉誨。愚曰。東國之士。進無所立。退無所守。明裂皆苦。皆未如意。雲之鄙矣。志歸丘壟。草門閨齋之人。口晞天望之冀。至于紹季札之遐蹤。結高肝于中夏。光東州之幽味。流榮勳于朝野。所謂闕管曰。瞻天緣木而求魚也。重申不列。雲再拜。

雲再拜。每惟大人。挺自然之妙質。稟淵姿之弘毅。克壯其烈。兼詠之道。希文尚武。潛居曰娛。其志靜處。曰育其神。遊步八素之林。消

口少再敢

遙德化之圃豈如未耆牽曳燥燥世道通明俊又在官焉使晞世之寶久隱岑崕之山逸景之迹永繫幽冥之坂方將車乘回輪束帛箋箋排金風于太微跨天路曰妙觀恢皇網之大烈垂榮祚平祖宗此乃大人之所宜循非凡夫之可企望也無因親展書曰言心心之所積萬不敘一雲再拜

雲再拜臣鄉前行陵有小事唯曰具聞事已大了猶曰爲願行欲取贖念別方至豫曰愍然每相見未嘗不曰大人爲言想令仁士光令遠公然兄弟屢數常存思想想令遠分好已爲綢固彥恩復蒙誘掖耳無因觀對言不盡心屢垂誨曰慰遠思雲再拜

雲再拜臣卿在臺高譽洋溢洛邑之內無不欽敬東南之貴寶真不但會稽之篠簜也每會常共歌詠信無一面不歎吟也想方周旋攜手散今日之恩耳雲再拜

雲再拜輒宣來意仲應此家大自欽重大人黨已見其意耳

雲再拜不知從事。今在州得假歸耳。想今來得行。有緣侍面耳。每得令遠書。感賴豐化。言歸于款。來誨恤及。亦爲無已。情深欣如。云在身年歲及人。名聞難集。非賴師友。何自自濟。願敦惠助。爲之光輔。臣仁在此。華亭之望。目大人爲宗主。宜令小大得分。亦崇洪業也。雲再拜。

答車茂安書

雲白。前書未報。重得來况。知賢甥石季甫當屈鄧令。尊堂憂灼。賢姊涕泣。上下愁勞。舉家慘感。何可爾邪。輒爲足下具說鄧縣上地之快。非徒浮言華豔而已。皆有實徵也。縣去郡治不出三日。直東而西。水陸並通。西有大湖。廣縱千頃。北有各山。南有林澤。東臨巨海。往往無涯。汎船長驅。一舉千里。北接青徐。東洞交廣。海物惟錯。不可稱名。過長川。已爲陂。燔茂草。已爲田。火耕水種。不煩人力。決泄任意。高下在心。舉級成雲。下級成雨。旣浸旣潤。隨時代序也。官

無遺滯之穀民無飢乏之慮衣食常充倉庫恆實榮辱旣明禮節甚備爲君甚簡爲民亦易季冬之月口牧旣畢嚴霜隕而蒹葭蒼林鳥祭而罽羅設因民所欲順時遊獵結置繞堞密罔彌山放鷹走犬弓弩亂發鳥不得飛狩不得逸眞光赫之觀盤戲之至樂也若乃斷遏海道隔截曲隈隨潮進退采蚌捕魚鱸鮪赤尾鮪齒比目不可紀名鱠鱠鮓炙製鱖烝石首臠蜚蟹眞東海之俊味肴膳之至妙也及其蚌蛤之屬目所希見耳所不聞品類數百難可盡言也昔秦始皇至尊至貴前臨終南退燕阿房離宮別館隨意所居沈淪溼潤飲馬昆明四方奇麗天下珍翫無所不有猶已不如吳會也鄉東觀滄海遂御六軍南巡狩登稽嶽刻文石身在鄞縣三十餘日夫曰帝王之尊不憚爾行李甫年少受命牧民武城之歌足曰興化桑弧蓬矢大夫之志經營四方古人所歎何足憂乎且彼吏民恭謹鯁順敬愛官長樸不施聲教風靡漢吳已來臨



此縣者無不遷變。傳大夫賢婦上下當爲喜慶。歌舞相送。勿爲慮也。足下急啟喻寬慰。真說此意。吾不虛言也。停及不一。陸雲白。

水集困學

紀聞二十

弔陳永長書五首

雲頓首頓首。哀懷切怛。賢弟永曜。早喪俊德。酷痛甚痛。奈何。陸士龍頓首頓首。

雲頓首頓首。天災橫流。禍害無常。何圖永曜。奄忽遇此。凶問卒至。痛心摧剝。奈何奈何。想念篤性。哀悼切裂。當可堪言。無因展告。望企鯁咽。財遣表暗。悲猥不次。雲頓首。

永曜茂德。遠量一時。秀出奇蹤。璋寶灼爾。凌羣光國。隆家人士之望。冀其永年。遂播盛業。攜手退遊。假樂此世。奈何一朝獨先凋落。奄聞凶諱。禍出不意。附心痛楚。肝懷如割。奈何奈何。豈況至性。何可爲心。臨書鯁塞。投筆傷情。

與永曜相得便結願好契關分愛恩同至親懇烈三益終始所願  
中間離別但爾累年結想之懷夢寐倘佛何圖忽爾便成永隔哀  
心慟楚不能自勝痛當奈何奈何義在奔馳壘役萬里至心不敘  
東望貴舍兩淚沾襟令遣吏并進薄祭不得臨哀追贈切裂幸損  
至念書重不知所言

永曜素自強健了不知有此患險戲之災遂不可救豈惟貴門獨  
喪重寶此賢之殞邦家已瘁情分異他痛心殊深已矣遠矣可復  
奈何追想遺規不去心目悠悠無期哀至斐裂不知何言可已言  
知酷楚而已

弔陳伯華書

二首

大君遠資高數世之魂卓當光裕大業茂垂勳名奈何日朝早爾  
喪墜自聞凶諱痛心割裂追惟哀摧肝心破剝痛當奈何奈何相  
念夙年奄嬰哀歎扳墓不及當可爲心牽役遠路無因奔馳東望

靈宇五情哽咽，割切哀慕，書重感恨不次。

昔與大君分義款篤，彌隆之愛，恩加兄弟，燕此烈好，要曰始卒，何圖大君獨先早世，遠聞計問，若喪四體，拊心慟楚，肝心如割，奈何奈何，豈況至性，當何可言，今遣吏恭集薄祭，不得臨喪，已敘悲苦，計往人到貴舍之日，揮涕而已，投筆獻歎。

書

三月十六日，雲白春節，餘不適，得示知足下平安，爲思而未知何由，如何信數之及，卿旣清遠，可之經高，言人歎之，當令征南取之。

也。潛化閣帖三

嘲褚常侍

六年正月，前臨川府丞褚老常侍，君子謂吳如是乎能官人，官人國之所廢興也，古之興王，唯賢是與，呂望漁釣，而周王在駕，甯戚叩角，而齊王忘寐，委斯徒而靡好爵，釋短褐而服龍章，姬姜之族。

非無人也。親昵之愛，非無懷也。取彼庸賤之徒，登之佐臣之列，故九賢翼世，而有命既集。五子佐時，匡霸曰濟。夫唯能官人之所以也。褚氏大夫之常佐遠邦之賤，司財則邵矣。官實陋矣，而拔出羣萃，超昇階闈。雖文王登師，桓公取佐，亦何已加之。詩曰：濟濟多士，文王曰：咨，言官人得才也。褚常侍聞之，喜曰：君子之言，豈虛也哉。吾得此足矣。君子謂褚常侍于是乎不謙。謙也者，致敬曰存其位者也。謙之不存，德無柄矣。世之治也，君子自曰為不足，故撝節曰求，役于禮，敬讓曰求，安于仁。世之亂也，在位者自曰為有餘，故辭豐而求更厚，位隆而欲復廣。世之治，教恆由此作。今褚侯蟬蛻利木，鵠鳴玉堂，不庶幾夙夜，允集眾譽，而意充于一善，心盈于自足。足則無求，盈則無戒，不求則善遠之，無戒則惡來之，亦何已為君子哉。詩云：戰戰兢兢，如臨深淵，慎之至也。褚常侍聞是言也，懼謂之昌言也，而拜之。君子曰：褚侯其幾矣。聞善而口喜過，又應之懼。

嘉服義之賢而拜謔言之辱。規同禹迹。義均罪己。君子哉。吳無君子。斯焉取斯。

牛責季友

天造草昧。萬物化醇。類族殊品。莫同乎人。今子履方象曰。矩地戴圓。規曰儀天。該芳靈之疑素。挺協氣于皓玄。故神窮來口。思洞無間。踊翰則傾凌洪波。吐辭則辨解連環。子何不絕淵而躍。照目之光。使穎秀陽谷。景溢扶桑。俯經見龍之輝。仰集天人之堂。雖子之服。既朱而素。今子之滯。年時云暮。而冕不易。物車不改。度子何不使玄貂左弭。華蟬右顧。令牛朝服青軒。夕駕輶輅。望紫微而風行。踐蘭塗而安步。而崎嶇隴坂。息駕郊牧。玉容含楚。孤牛在疾。何子崇道與德。而遺貴與富之甚哉。日月逝矣。歲聿其暮。嗟呼季友。盛時可惜。迫良期于風采。競悲飄于葉落。陳謔言于洪範。圖口形于霄閣。使景絕而音流芬。身騰而榮赫奕。子如不能建功。已及時。予

請口迹于桃林之薄

有皇詩序

有皇美祁陽也祁陽秉文之士駁發其聲故能明照有吳入顯乎晉國人美之故作是詩焉

思文詩序

思文美祁陽也祁陽能明其德刑于寡妻已至于家邦無思不服亦賴賢妃貞女已成其內教故作是詩焉

谷風詩序

谷風懷思也君子在野愛而不見故作是詩言其懷思之也

鳴鶴詩序

鳴鶴美君子也太平之世君子猶有退而窮居者樂天知命無憂無欲口頌人之考槃傷有德之遺世故作是詩也

南衡詩序

南衡美君子也言君子邈世不悶曰德存身作者思其曰德來仕  
又願言就之宿感白駒之義而作是詩焉

從事中郎張彥明爲中護軍詩序

奚世都爲汲太守容宴將之官大將軍崇賢之德旣遠而厚下之  
恩又隆非此離析有感聖皇旣蒙引見又宴于後園感鹿鳴之宴  
樂詠魚藻之凱歌而作是詩

登遐頌

夫死生存亡二理之已然者也而世有神仙登遐之言千歲不死  
之壽其詳固難得而精矣列仙之道作者旣集而登遐未有焉莊  
周有言我試妄言之子試妄聽之彼之有無蓋難曰理求我之妄  
聽顧可曰言寄之遂爲頌云爾

郊閒人

王子喬

玄洛

孔仲尼

九疑仙人

大勝山上女

李少君

梅福

張招 左元放 劉根 黃伯嚴

費長房 何女子 焦生 鮮卑務塵

韓眾 夷門子 林陽子 任作子

鬼谷子

淵哉郊間懷寶採薪媚茲伯陽常道是負俯翼遂周攜手入秦遺

物執一妙世頤神思我玄流浩若無津

王喬淵嘿遂忘潛輝遺形靈嶽願景亡歸變彼有傳與爾翻飛承

雲條忽飄颻紫微

玄浴妙識飢餒神穎在陰條逝即陽無景逍遙北嶽凌霄引領揮

霧昊天合神自靖

孔丘大聖配天弘道風扇玄流思探神寶明發懷周興言謨老靈

魄有行言觀蒼昊清歌先試丹書有造

茫茫九疑登暉太素有漢登闕神具爾願發彼靈丘聿來載步貽



我則歌水揚遐祚

大勝之娥。厥猷翼翼。降宮有和。納符帝側。揮杖指辰。絕音頽息。若  
茗玄右。在彼峻極。

少君善祠。怡爾豐顏。俯覲劉漢。仰接姜桓。式宴安期。且賚爲餐。神  
光攸往。後來其歎。

在漢之衰。願火炎精。梅公指景。有皇遺形。逝彼文辭。胥此洞庭。神  
輝絕景。豈外北冥。

張招澄精。妙思玄芒。則是神物。錯綜徽章。乃幽乃顯。若存若亡。因  
形則變。倏忽無方。

生在清純。放情玄昧。在物淵沈。泝虛攸遂。清酒一壺。百朋具醉。有  
命集止。乘龍來萃。載見君子。言觀其蔚。

劉根登嵩。遺世盤桓。形委服容。口厭瓊蘭。挹彼呼翁。爲爾朝飧。景  
絕巖穴。光茂雲端。

伯殿志道翻飛自南北。食中嶽練形嵩岑。奔星凌顏朱光垂陰雲。  
精九口。握耀盈襟。

長房有懷承師問道。蒙險洪海。唏心玄滌。將登蓬萊。祚爾難老。嘉  
命既錫。如何勿考。

逝矣何女。芳靈既凋。安寢曾丘。逝魂清白。喪魄載營。大墓崇朝。玉  
趾再步。于焉逍遙。

焦生卜居在河之東。皓襟解帶。嘉音結容。頤神大素。淑思玄沖。在  
彼黃堂。明道固窮。

北狄務塵。在彼沙漠。含神自頤。靜居有恪。自彼王庭。聿來伊洛。天  
子命之。載見紫閣。

衛矣終化。靈毛揚葩。慎爾貞心。神祉來荷。靡靡夷門。體道含真。滄  
茹靈卉。凌雲頤神。

林陽餌車。明視聰耳。肚子既滄。步唏千里。任化凱入。輕雲揮止。移

形善變載坐載起

悠悠鬼谷永言潛止要終有集資生無始綢繆方平在彼二子芬  
響蘭揮有來盈耳

盛德頌

余行經泗水高帝昔爲亭長于此瞻望山川意有恨然遂奏章曰  
通情焉并爲之頌云爾

晉太子舍人龔士臣雲稽首再拜上書皇帝陛下臣雲頓首死罪  
伏惟陛下紹軒轅之徽哲越三代之高蹤膺有聖之玄景詠生民  
之上略秦政肆虐漸壘生民在昔上帝乃眷多方肅雍寶命鑿民  
顧天思文獻聖昌宅神器六合焱駕八荒口錯企皇居于阿房倚  
逸鹿于九野謀猷回適天人匪祚乃蒞斯國授漢于夜京是曰先  
詔五緯章太素神母哀號底命丹野九垓闢授命之符鈞天清建  
皇之鑿陛下螭蟠泗水龍躍下亭慶雲徘徊紫塵熠爍皇威肇于

口雲作星

夜其本語

斷蛇神武基于豐沛掩四綏曰蓋天廓玄謨曰闕宇華宮山藏玉  
堂海紉雲蓋景陰金門林蔚拔足崇長揖之賓吐餐納獻規之客  
玄猷上通德輝下濟仰翰雲禽俯躍魚魴是曰四海之內莫不企  
景嶽曰接羣望廣川而鱗集乘山涉水視險若夷奔波闕廷思效  
死節乃鳴鸞在衡奔驥服輅良平鳳栖信布虎據豪雄凌暴于外  
奇謨補闕乎內威謀兼陳智勇畢效乃凌河海河海無梁乃什高  
山嶽華不重三秦席卷項籍灰分逋虜霧散遺寇雲徹從時兩曰  
清天灑狂塵曰肅地□□響于川嶼竦峻蓋于蒼昊功濟宇宙德  
被羣生天人允嘉民神協愛麻數在身有命將集而陛下猶復允  
執高讓成功靡有普天歸德羣后因請然後謁天皇于圓丘巡萬  
乘于帝室率土離暴秦之亂臣妾蒙有道之惠戎羌蠻夷之虔靡  
趾肅慎之國莫非帝臣巍巍蕩蕩蓋天臨地自啟闕曰來有皇之  
美未有若聖功之著盛者也臣雲頓首頓首死罪死罪臣曰鄙倍

文武無施，忝寵本朝，承乏下位，而臣遊愍，自西徂東，行邁攸止，路  
經泗水，伏見史臣班固撰錄聖功，竊承陛下扶桑始照，天暉未融  
之日，嘗臨御此川，于是卽命舟人，弭楫水沚，瞻仰山川，舊物不替，  
永惟聖輝，罔識所憑，遠眺邇企，感物興哀，終懷靡及，俯心遐慕，臣  
命違千載之運，身生四百之外，恨不得役力聖明之鑿，寓目風塵  
之會，揮戈前隊，待罪下軍，抽鋒咸陽之關，提鉞項籍之領，痛心自  
悼，不知所裁，行役之臣，牽制朝憲，雖懷彷徨，王事靡盬，肅將言邁，  
賈御罔極，臣聞遊魂變化，神道無方，雖聖靈登遐，降陟在天，連光  
五精，流輝太一，或冀神輿降輓，薄狩五服，時邁玉輅，言巡茲邑，是  
旨下臣，仰瞻紫宮，俯要恍惚，愚情振蕩，靡審所如，不勝延頸紫微，  
結心閭闔之情，謹住水濱，拜章陳愚，臣雲誠惶誠恐，頓首頓首，死  
罪死罪，臣稽首，旨聞，臣雲言，臣聞歌詠，所旨宣成功之烈，詩頌所  
旨美盛德之容，是旨聞其聲，則重華之道，彌新存其操，則文王之

容可觀永惟陛下聖德豐化比隆前代元勳茂功超蹤在昔故詩  
歌之所依詠金石之所揄揚者也臣謹上盛德頌一篇雖不足已  
仰度天高伏測地厚竇獻狂夫區區之情臣雲云晉太子舍人  
臣陸雲上

於皇漢祖纂胄有唐平章在昔文思百王丹輝炳列火精幽光爰  
茲聖緒頽維弛綱靈曜燿燦隣景扶桑則天未墜重規旻蒼其規  
伊何橫乾作峻厥德不回矩地能順憑河招景襄岳殷韻龍章景  
偉虎質碩變有秦不競罔極駘首震警子師思虔神主上帝曰咨  
天鑒有赫乃眷伊漢此惟子宅明明聖皇既受帝社雲騰下邑風  
駭泗水仰鏡天文五緯同晷俯察雲符神母爰止思文聖王克廣  
克遐威凌羣桀德潤諸華爰祀天人天人攸嘉爰輯蒸徒所和既  
和既和既順乃矢德音豐沛之旅其會如林朱旗虹超彤旆電尋  
推師蕭曹撫劍高吟元戎薄伐時罔不僉凌波川濇肆野陸沈咸

口口當作  
王命

陽克殄既係秦后峩峩阿房乃清帝宇穆穆聖皇天保攸定有項  
畔換不式王命口口既愆黜我西上於錄王師適時匪怒爰赫乘  
輿席卷三夏擘擘戎軒矯矯乘馬燮伐強楚至于垓下天誅薄臈  
暴籍授首區夏既混宇宙蒙又肅肅帝居巍巍神器有皇于登是  
臨天位繡文于裳組華于黻明明天子有穆其容至止鏘鏘相維  
辟公宣聲路寢發號紫宮傾此愷悌曰畜萬邦思樂皇慶協于時  
雍琴瑟在御大子舞功越裳委贄肅慎來王明明聖皇闔國乘制  
分圭祚勞河山命誓禮律克彰典文垂藝有漢恢恢疏罔不替聖  
功克明九方孔安良宰內幹武臣外閑漸澤冀域沾被戎蠻連光  
太素萬載不刊

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷一百三終



全晉文卷一百四

烏程陸

陸雲五

祖考頌

雲之世族承黃虞之苗緒裔靈根之遺芳用能枝播千條穎振萬  
 葉繁衍固于三代饗祀存乎百世豈非皇慶之積祐神明之殷祥  
 者哉在周之衰有媯之後將育于姜而貞龜發鳴鳳之兆周史表  
 觀國之絲故能光宇營丘奄有東海支庶蕃廡而肩祚昌大矣遭  
 世多難子孫蕩析遂于南土烈祖丞相邵侯顯考大司馬武侯明  
 德敬哲口雄特秀固上天所已繼跡前期惠成口願者也是已口有  
 吳雲興而邵侯龍見遂風騰海竭電斷荆楚運籌制勝底定經略  
 文德光宣武功四克乃作台衡已御于王政天罔與先代比隆義  
 問與前修接響固所謂汪洋浩浩不世出者哉武侯已光遠之度

哲下口  
當作沉

襲重規之範、宣朗之明、照會暉之景、故寅亮樞極、則萬物溘曜、緝熙有邦、而宇內恪居、及至中葉、亂曰虎臣、緩援既集、而大難時弭、德濟封域之內、威揚函夏之表、遂仍世作宰、焜耀祖業、車實襲軌、裘不改帶、元勳昂于光國、洪烈著于隆家、攷德計功、比之前代、未有茂于此者也、是曰小子、敢慕徽猷、欽述芳烈、雖不足已、當朱弦之一唱、發清廟之三歎、蓋爾臣子之遺恩、罔極之所處也、乃作頌曰、

悠悠聖緒、上帝是臨、世篤其猷、於顯徽音、神風往播、福祿來尋、靈根旣茂、萬葉垂林、繁盛海隅、穎盭漢陰、旣曰盭止、芳祐允淑、乃步斯瀆、降神有陸、赫矣二公、應期載育、明明邵侯、允哲允謀、敏心昭德、淑問宣猷、如日之升、如川之流、炎精旣頽、黃輝曷煥、光宅海邦、大造江漢、王于出征、二公斯難、長驅致屈、九有有判、咸黜凶醜、區域盭旻、天祿未終、大命有集、卜食東夏、元龜旣襲、聿來耶宮、作蕃

舊邑公徒斯振帝旅凱入於變時雍神道經始肅肅九命永言徵  
止公拜稽首對敷天子猗歟盛歟邵侯有作我考纂戎爰究爰度  
遠陈尋軌崇基式廟昭明有家祖廟奕奕中葉虎臣稱亂西秦靈  
旆電揮伐鼓霆震會朝哀輿征不浹辰遐風遠埽萬里無塵有族  
斯祐念功在茲衮衣之宜遂作上司台光增朗方險載夷穆矣暉  
章有吳之期我祖我考受言藏之嘒嘒藻裳再命同服駢駢四牡  
二世方轂分珪比瑞天秩底祿公堂峻趾華構重屋昔在二伊于  
殷有聲在漢之興亦曰韋平惟祖惟考履貞大亨邈彼披陽追蹤  
阿衡駿惠而施景潤雲行洋洋玄化功濟其民風馳海表光被嶽  
濱二后重規世有哲人肅雍頌響萬載口振

張二侯頌

案二侯張昭張承

張氏之先蓋少昊氏之苗裔也其在春秋晉德方休而張老延舉  
爰暨有漢文成佐命于初基司空揚聲于末葉流長祚遠世不

口當作是

侯輔吳將軍文侯遭季末雲擾遂避難于東有吳之興實爲謀主  
桓王卽世援建太祖知命審于將萌先識鏡于未兆遂作上將輔  
成王業立朝無不易之方正色有犯顏之亮固所謂譽譽王臣古  
之遺直者也奮威將軍定侯明德光遠軌量弘濟文敏足曰華國  
威略足曰振眾重規繼體而大業暉崇故休祚頻繁寵靈仍世天  
秩之體彌彰而毀盈之心茲冲用能保寵固世考終頌問蓋竹帛  
之所光宣詠歌之口揄揚也乃作頌曰

烈文遠祖肇自上皇金天潛曜遂濟窮桑真人有作飛龍在天雷  
侯載見階雲自淵卽謀神造啟運妙玄有漢再命度邑于東其在  
中葉誕育司空邈矣唐陵有恭斯庸盛行盈止世篤天祿神之聽  
思俾我戮穀繁過芳祐底之洪族洪族旣昌再惠音徽於穆二侯  
仍世雙飛堂堂輔吳抑抑奮威如龍之躍如鳳之輝薄言戾止在  
彼紫微邪金紛若四海畔換文侯乃顧妙世達觀逝彼塗方度茲

江漢鴻飛，遵海肆來。有亂遭家，不造。讎我明聖，桓后肇揚。侯承木命，皇大烝哉。天保永定，匪侯卹度。宗緒孰正，帝整我旅。外薄四荒，命作惟師。時惟鷹揚，遂登上將。亮彼大皇，底邑胙土。命珪有璋，蹇蹇我侯。明發宿夜，夔彼遺直。興言有誓，聿懷來忠。王室之故，猗歟定侯。祗服清曜，奕奕瓊範。玉潤淑貌，淵淵謂往。藏朗思來，照會是徵。章再世被荷，庸勳開國。明道隆家，苾苾其芬。淑問揚和，有蔚其文。如林之華，皇矣帝祚。受言既崇，女子有行。作合儲宮，條延紫極。穎衍皇靈，暨暨定侯。在盈思冲，祗寵戒溢。永懷慎終，重光竝曜。播我芳風。

樂啟期讚

樂啟期者，周時人也。值衰世之季末，當王道頹殘，遂隱居窮處。遺物求己，泝懷玄妙之門。求意希微之域，天子不得而臣，諸侯不得而友。行年九十，被裘鼓琴而歌。孔子過之，問曰：先生何樂？荅曰：吾

樂甚多、天生萬物、唯人爲貴、吾得爲人矣、是一樂也、曰男爲貴、吾又得爲男、是二樂也、或皆不免于緼絀、而吾行年九十、是三樂也、夫貧者士之常也、死固命之終也、居常待終、當何憂乎、孔子聽其音、爲之三日悲、常被裘帶索、行吟于路、曰吾著裘者何求、帶索者何索、遂放志一丘、滅景榛藪、居眞思樂之林、利涉忘憂之沼、曰卒其天年、榮華溢世、不足曰盈其心、萬物兼陳、不足曰易其樂、絕景雲霄之表、濯志北溟之津、豈非天眞至素、體正合和者哉、友人有圖其象者、命爲之讚、其辭曰、

芒芒至道、天啟德心、自昔逸民、遁志山林、邈矣先生、如龍之潛、夷明收察、滅跡在陰、傲世求己、遺物自欽、景逝瓊輝、響和絕音、戀彼丘園、研道之微、思樂寒泉、薄採春蕤、鳴弦清泛、撫節高徽、有聖戾止、永言傷悲、天造草昧、負道齊羸、於鑠先生、旣體斯和、熊羆作祥、黃髮皤皤、耽此三樂、遺彼世華、翼翼彼路、行吟曰遊、的的散冕、陋

我輕裘永脫亂世受言一丘嬾茲常道聊曰忘憂

逸民箴

余昔爲逸民賦大將軍掾何道彥大府之俊才也作反逸民賦盛稱官人之美寵祿之華靡偉名位之大寶斐然其可觀也夫名者實之賓位者物之寄窮高有必顛之吝溢美有大惡之尤可不慎哉故爲逸民箴曰戒反正焉

浩浩太素判爲兩儀經始君臣朝有俊彞野有逸民各有攸屆而後品物有倫在昔后帝齊物達觀賞不假爵教不示勸號諭莫設而生黎烝旻降迄中古黃象可觀而唐文有煥乃彫乃藻大樸旣散樸之旣散萬百熙心形爲寵放神爲利淫有翹者車命彼在林是故懷玉喪寶而被褐解襟恬亡智生與世或競匪智無鑿匪心伊鏡芒芒禹迹鞠爲塗徑惟是每懷徧彼反正正反于寵旣尸干祿相協厥居而豐其屋祿之旣尸刑爲爾司屋之旣豐喪家于宮

故非據之災戒之在凶人皆知存之爲存而莫知得之爲喪榮猶  
振穎墜若頽荒咎自專寵福在循牆是故保其安者常危而忘其  
存者不亡無休爾榮身實親名無謂爾崇神期好冲戒彼覆餗冒  
此棟隆慎微如顯乃保身曰終自古在昔逸民有作相彼宇宙方  
之委焉夫豈無不休而好是冲漠是故名利之災至人攸恪謂予  
未信無盭監于桑霍天明旣畏神道無親善在求己慶由積仁無  
念爾本聿修厥瀆執盈如虛乃反天真逸民司正敢告官人

吳故丞相陸公誄

惟赤烏八年二月粵乙卯吳故使持節郢州牧左都護丞相江陵  
郡侯陸公薨嗚呼哀哉皇朝迭紹成命昊天聖王作矣世有哲臣  
觀監在吳乃降斯神思皇我后應運對揚穎秀崇華景逸扶桑龍  
輝襲極鳳鳴玉堂舉旗清阻奮鉞夷荒攸結沈維峻極公綱將撫  
遠績插地九圍皇濶爽泰昊旻疾威生民如何哲人其頽登靈在



天遺音播徽，敢揚元勲表之素旂，乃作詠曰。  
清哲我祖，時文峻德，玄粹納真，清休載式。本承慶輝，駿惠罔極。申  
錫多祜，木支千億。芳條遠蔭，靈根茂植。根條伊何，苗黃喬舜。長發  
有祥，貽我祖晉。神明之緒，實蕃瓊雋。和音嗣世，不替傾彥。明墜在  
下，降命上玄。我公初載，天報之純。重光納照，旋璇授銓。仰儀喬嶽，  
俯濯洪川。清輝秀穎，雲翹映晨。肇彼岐嶷，允迪天真。先心則智，率  
意斯仁。秉夷清味，體靈協神。神休戴鑠，九德兼和。挹揮茂朴，豐清  
鎮華。景峻凌高，玄源踴波。造辰竦隆，彌海廓遐。光備既濶，逸軌爰  
超。閎罔苞荒，景靈渥耀。山林嶽秀，天光乃照。窮化機神，探蹟眾妙。  
駭塵氛埃，澄響清白。恢淵博量，騰嶮峻。仰振綱宇表，登軌絕蹈。厥  
初藏器，栖蟠海嶽。披瀛崑崙，濯秀陽谷。沈輝熙茂，清塵熠鑠。含章  
在淵，發揮龍躍。時復陽九，承乾之衰。有皇于井，玉軒徘徊。爰茲赫  
奕，需期雲飛。天步皇輿，載見太微。華堂誕基，委蛇自階。鼎輝既磨。

嘉命乃集和美未口宰物下邑康年委登惠風時協在斷無頌于  
教斯輯金虎覲精戎車孔肆神寶播越天人釋位有命在茲帝思  
元帥委弁總干振翼虎嘯威靈既授六軍有序乃誓我眾乃整我  
旅神干山立雄旗電舉懸旌汜陽卽戎江滌我后日敬上帝臨予  
靖端夙夜匪盪匪處經始繇繇滂沱惟海乃幹中軍入作內輔公  
侯陟降在帝左右闕羽滔天作雲西土帝曰將軍整爾熊虎赫赫  
明明皇輿出祖龍舟照淵旒旒映野鋪敦江濱仍執醜虜荆南旣  
集方嶮未夷天子命我撫之西垂公侯戾止威神緝熙虔劉作虐  
思輯子來妖捨北靡舉爾雄旗獷狻羣蠻祈祈遺黎柔遠能和薄  
言綏之方塙肅清烈文雋武舍爵明堂冊勳天府天子曰咨我圖  
乃功錫爾青土建侯于東開國名墟光宅海邦分圭作寶軒輅曰  
庸旣受帝祐公用如大四鐵孔阜元戎杳藹淑旂飛藻綏章丞蓋  
振我輝靈四方于邁劉王負嶮寇我西鄰公侯赫怒干戈啟陳金

鉞鏡日雲旗絳天凌岡襄嶽沈維括淵元王隕難鯨鯢墜鱗戎漢  
時殪方域清塵曹休東踰我疆斯越帝簡厥佐將命其傑乃俾我  
公啟我警伐江漢之澍口恭授鉞掛帝整旅隱爾霆發桓桓神誅  
震驚魏方我公矯矯虎視元戎截彼醜旅效此武功武功既彰天  
威溥曜靈武振華邊垂清暴振旅凱入王假有廟假廟伊何本庸  
寵祚土田陪敦四牡載路出餞于郊此惟予願禮嘉嵩高樂和湛  
露改容肅至傾蓋寵步盤帶翩紛珍裘阿那區宇惟盛繁越帝社  
於穆疇咨敷奏多士將庸元輔相惟天子僉曰公侯宜有爰止繡  
裳縟藻袞帶重紫遂虛上司命公登宰帝曰丞相朕嘉君德曰茲  
軒冕往踐乃職宜爾敬心維黃協極邦國若否四方爾式公拜稽  
首欲翼明聖乃御機衡仰徽七政祗恪本顯無易惟命巍巍天邑  
惟清四門公侯作嘏煥炳皇文重輝熾景協風煙煜百神秩祀兆  
獻思渚克諧庶尹遂成帝勳時雍旣濟王途克廣儀彤我度軌物

垂象後遐施歸崇蔭慮仰茂德栖音廣問沈響洪範遠迪玄猷洞  
深靈澤崇藪天嶮垂陰翰飛樂嶮淵蟠泳沈澤豐泉巨潤博雲林  
遭世大過彝倫靡肅暨暨公侯思維雅俗發憤戎衣永言禮樂被  
分敦化荷戈思學體仁長物御風熙國睿鑒擢微玄輝鏡璞戒危  
膏梁收後白屋五品時訓民神攸鑠我有奐文如曜如辰何曰崇  
之匪闕伊人我有烈武如震如霆何曰將之保大豐年思弘景業  
熙世登民克壯碩老秉鉞河津祉祚勿引早世幽神仰慕遺輝寤  
辟憂殷嗚呼哀哉永惟我公克明德心紛藹芳和被之惠林公侯  
沒矣孰嗣徽音名存禮逝德茂形潛民之秉思好是嘔吟嗚乎哀  
哉惟帝念功寵命光大光諡典謨崇榮協泰安宮載考我公于遊  
輜軒啟塗先驅驚旒哀風結輿遺思馮蓋舍此休明即彼重藹攀  
慕靡及永戀光愛嗚乎哀哉

晉故散騎常侍陸府君誄

案陸喜字文仲第第二子孫時時  
爲選晉尚書入晉爲散騎常侍

惟太康五年夏四月丙申晉故散騎常侍吳郡陸君卒嗚呼哀哉  
天降純嘏詠詩九曰九與德鍾三懿應運繼期顯微闡昧特  
恢大猷雍化熙世昊天之九忽零墜嗚呼哀哉切隕棠榦邦喪  
國輝帝欽遺烈士詠清機思經皇心痛浹民懷揮淚充邑惜慟盈  
畿敢述洪迹于茲素旌其辭曰

於穆皇源時惟誕弘權輿有媿爰帝暨王徽音接響丕祚克昌乾  
鑒南眷誕降我祖顯考尚書納言帝宇正命惟允銓衡攸序篤生  
常侍固天所隆祚爾靈粹陶曰惠風道協體稟德與性鍾徽心遠  
矚淵思遐通瞻言潛覽克哲克聰耽精遐奧肆志篇章仰咨遺訓  
思齊曩蹤擒光丞晦微言是綱錯綜羣載精徹毫芒顯允閑姿既  
明且緯敦敘汜愛經德紀義契闊邦族是綜是緯博約已禮陳錫  
載施雍雍闡闡克諧由仁率禮崇化色養靈親九族和睦德被宗  
姻猗猗髦俊祈祈縉紳鑽仰明範挹道希塵愷悌弘裕惠化是振

潛機密、曷靡幽不甄。濯曰清波、權曰明鈴。旌善拔穢、刊穢紫辰。邦  
無媮幸、靈不牟員。沐浴玄源、風移俗純。儀德緜甸、比化泗濱。耀略  
切輝、既升末融。爰莅揚邑、作尹名邦。密邇帝畿、大東小東。宣敷五  
教、敞化曰崇。徵無墜命、興無廢功。帝欽良政、民懷穆風。粵稽舊章、  
率由典刑。考績三載、絀幽陟明。超踐皇闈、紆組垂纓。奕世納言、帝  
衡曰平。本崇曩烈、堂構克榮。征替屢振、干戈未戢。乃秉雄戟、徵戎  
東邑。四牡徂征、威德曰立。爰守會稽、青紱旣襲。帝曰欽哉、疇咨羣  
后。改授顯服、屯騎是撫。雍容皇甸、綜文經武。時值大過、士爽其德。  
虔惟常侍、高明柔直。履冰察霜、淪心遠測。春存三季、形志于色。頻  
顛厄運、載離咎愆。靖享思順、曹氏匪革。投弁釋紱、賅恩東嶽。遁世  
無悶、清源是濯。馥風彌馨、明徽載鑠。皇途旣闕、天罔誕張。運在九  
五、違嶮卽康。猗歟高懿、避風遠臧。帝降大命、巨圉是揚。裸將天邑、  
舒藻尚京。僉曰休哉、昭德塞違。乃升常伯、補闕拾遺。振纓紫極、據

光太微奕奕玄冕熠熠韶璫仰耀皇維俯映明堂與振鳴鸞體佩  
琮璫居德彌沖雖休匪康既跼君宿未時鼎辰將陟太階弘載育  
民阜靈靡顧大命奄臻厲凶播雷儼忽頽漣嗚呼哀哉黃河難澄  
梁木易荒聖賢絕景希世齊光豈曰徒生實維天網於縻常侍本  
德昭仁俯鑑路響仰綴玉振其在克壯自蹇乘屯鳳翳靈條龍竄  
祕泉收逋匿耀洪略陶緼雖躡嘉運託景風雲瑰光既耀靈寶未  
闡弗慮皇圖銜恨徂遷嗚呼哀哉江河慕海巨陵樂山於惟君德  
齊聖廣淵羣彥景附漸化濯眞蓋曰崇嚴函曰裕淵西徂華源負  
澤慕虞幽萌潛暘滯思賴振六言六行匪君不肅五有三無匪君  
不極衡準失平匪君不直方策遐邈匪君不式君其永沒民其焉  
則結思遺愛惟哀允恻嗚呼哀哉仲尼喪魯孺慕失聲國僑殞鄭  
邦無竽笙實惟常侍徽懿克明思懷土心信結民情聞者巷泣赴  
者風征八音輟響獻酢弗營羽檄翳川輕駕盈庭揮袂雲謁殞淚

雨零嗚呼哀哉伊惟平生龔寵荷輝愷樂承明桑梓猶哀聿懷虞  
王言告言歸明德遠燭慮凶曰音雖則榮泰存亡是卹爰築新邑  
經始匪日眷懷不虞盜視斯室王事靡盬皇畿是旋鳴和吉往會  
未浹辰震旆凶歸輝景長泯痛感皇祇哀普四民嗚呼哀哉穆穆  
天子昭明有融乃命三人禮憲是崇賜曰歸賻榮曰贈終冠蓋南  
徂映族輝邦日薄南陸辰次天漢龜筮協貞靈域載判明器既庇  
神道已羨縣象未登明星有爛軒車微動執紼同贊永棄高廈若  
廬是館寧彼昏昧荒此輝粲幽房長鍵脩夜靡旦翼翼輕蓋翩翩  
丹旂龍章舒藻旒旒有輝轎輪轆結玄駟徘徊人誰弗思靡思匪  
哀援扎心楚投翰餘悲嗚呼哀哉

晉故豫章內史夏府君誄

惟永寧元年五月二十五日晉故豫章內史夏府君卒嗚呼哀哉  
乾鑿育俊崇茲大猷景靈垂祐黃精協符濯蹤浩素開志玄流



光聖代邁勳九區哀彼造物殞命不均既衰斯美吝茲遐年所祈  
搢紳泣涕流連故作斯誄著之不泯其辭曰

於穆府君遠祖彌光功濟黎獻澤洽八荒披圖承禪美化軒唐洪  
風既振遐曜休煌越殷自周紹膺遺祉亮節三恪俟服于祀悠悠  
訖茲微烈不已奕世本弘厥美是紀惟神隆慶篤生府君玄祐秀  
朗揮景煙煥誕載豐美俊穎夙繁性與體和孝友穆融虔茲君親  
姻族睦崇情廣髮誘品物虛躬安仁履素接舊曰沖澄鑒博映哲  
思惟文淪心眾妙洞志靈源探幽判疑沈欲焱分甄滯羣祕義猶  
一貫崇規邈世體道而盤瞻言先機蔚藻騰翰處約由厚交順于  
顏文武未墜君惟克修百行殊揆君望斯周栖義初九戢翼洪條  
瓊輝四灼景問綢繆在昔我國元首載哲假寐俟旦思庸俊逸旃  
檢高麾體亦秩秩儀刑柳惠庶績惟穆既穆其績英風彌邵天子  
有命曾是在朝頻繁帷幄祇承皇曜神旨測幽明旨遠照目難識

夷觀嶮改蹈，譬彼清鑒，莫塵其操。五紀迭御，載隆載傾。南嶽頽頽，陰輝素靈。瑾瑜遷寶，投跡上京。兆萌未緝，皇聖攸嗟。韋臨猗氏，接彼郇瑕。道之曰禮，育之曰和。齊俗拯弊，民靡不嘉。振我翰音，洋洋鏢諸華。明明皇儲，敎哲時招。奮厥河澗，矯足雲霄。俄軒玄闕，徽英揚颯。光灼東朝，髦士攸希。媚茲一人，示旣翰飛。委蛇華閭，陟降太微。納言贊事，淵裕徘徊。習習和風，惟穆惟宣。亦曰武昌，厥俗允新。我後有命，爰授俊臣。君子云願，義在安親。秉文共武，言撫舊京。仰肅慈顏，俯熙典刑。移彼滯汗，泮宮時營。眾否斯濟，飛鷄革聲。春翹晞景，振鷺在庭。高墉未奮，遭茲閔凶。頻顛泣血，三載日終。哀響未歇，臺命朝隆。厥命伊何，俾守南裔。匪日是屯，託身虛槩。巾車旣脂，駕言將逝。彝倫惟清，路逼其序。君之于遠，乃恢斯緒。思彼眾逸，言尋厥楚。暮瞻豐林，晨看淵水。濯奇呂翹，披途導軌。彼湘之東，地嶮俗危。明德審罰，替幽崇儀。嚴不式刑，仁扶物施。威和咸振，澤被遐畿。

皇道御世與民靡偏改彼惠政濟此未均思一黔首濯澆義淵揖  
望皇命修嗣徇翔循彼江濱乃眷豫章觀風樹政德音允張洪化  
既摠禮樂克昌闕非秋厲惠淑春陽廣命俊人惟弓與旃巨圖靡  
滯鸞鷟憑軒豈方伊類提髮躬勸震我聲教邁響惟殷君化大揚  
自北而南君澤本沃河漢截咸慶輝雲蔭溼潤川漸將配皇極登  
景具瞻昊天不弔乃降茲厲高祿未融凶焱中熈寢疾彌留大命  
隕墜邦家不紀沈哀結世嗚呼哀哉式翫遺美君實克明懷光暘  
幽晞髮結清體德秉真審行居貞屈曳蹈機與世靡矜天命匪謀  
唯仁則延任道委分亮曰斯然孰云府君不聞其言永懷載念憂  
心孔艱曰兄曰弟篤愛纏綿晞光繼軌參融鴻振今君何之背世  
遐湮同生拊膺號哀瘁身眇眇孤微過庭曷遵天何忍斯于何之  
臻自君初邁既夷且榮今君反矣素旗垂路雖光百辟託晷玄靈  
民慟于顯神孤于冥物從人感轅馬失征飄風悍響潛魚仰驚豐

霄滅蔭翟羽徊鳴嗚呼哀哉瞻彼日月歲聿云夕寒暑窮化四辰  
交錯日考三從案轡長薄藹矣幡軒脫駕窀穸背榮孤世靈神大  
漠丘陵竦蔭閣闕寥寥寤標惟哀心摧涕激嗚呼哀哉咨予與君  
恩親之微蒙恤于昔投纓瀾猗思周弱志永庇惠輝如何府君昭  
景長遠願言詠眷載傷載悲昔我經年逝彼川路進闕初奔退違  
陵墓仰瞻靈丘俯增永慕惻劓肝懷哀其曷厝嗚呼哀哉

賜進士出身一百四銜廣東等處提刑按察使司按察使兼管驛傳事務黃岡王毓藻校刊

全晉文卷一百五

烏程嚴可均校輯

黃章

章字伯仁魯國人師事鄭思遠

見抱朴子內篇選覽又引見御覽六百七十案語鈔一百

引魯國先賢傳黃伯仁不知何許人嘗為龍馬頌其文甚麗今據抱朴子知是魯國人

龍馬賦各書皆作賦

夫龍馬之所出于太蒙之荒域分虞淵之幽濬通天光之所極生

河海之濱涯被華文而朱翼稟神祇之純化乃大宛而再育資玄

螭之表像侶靈虬之注則奪騁曩之體勢逸飛兔之高蹤兼驥駉

之美質豈驂駟之足雙耳如剡筍目象明星雙壁侶月蘭筋參情

藝文類聚九十三又略見初學記二十九文選補白馬賦注

或有嘘天慷慨骨騰肉飛文選江賦注比命注

或有奇貌絕足蓋為聖德而生文選補白馬賦注

張悛

悛字士然吳國人

爲吳令謝詢求爲諸孫置守家人表

臣聞成湯革夏而封祀武王入殷而建宋春秋征伐則晉脩虞祀燕祭齊廟夫一國爲一人興先賢爲後愚廢誠仁聖所哀悼而不忍也故三王敦繼絕之德春秋貴柔服之義昔漢高受命追存六國凡諸絕祚一時並祀親與項羽對爭存亡逮羽之死臨哭其喪將曰位嘗倖尊力嘗均勢雖功奪其成而恩與其敗且暴興疾顛禮之若舊殘戮之尸乃曰公葬若使羽位承前緒世有哲王一朝力屈全身從命則楚廟不隳有後可冀伏惟大晉應天順民武成止戈西戎有卽敘之人京邑開吳蜀之館興滅加平萬國繼絕接于百世雖三五弘道商周稱仁洋洋之義未足已喻是曰孫氏雖

家失吳祚而族蒙晉榮子弟量才比肩進取懷金侯服佩青千里  
當時受恩多有過望臣聞春雨潤木白葉流根鴟鴞恤功愛子及  
室故天稱罔極之恩聖有綢繆之惠追惟吳僞武烈皇帝遭漢室  
之弱值亂臣之強首唱義兵先眾犯難破董卓于陽人濟神器于  
甄井威震羣狡名顯往朝桓王才武弱冠承業招百越之士奮鷹  
揚之勢西赴許都將迎幼主雖元勳未終然至忠已著夫家積義  
勇之基世傳扶危之業進爲徇漢之臣退爲開吳之主而蒸嘗絕  
于三葉園陵殘于薪采臣竊悼之伏見吳平之初明詔追錄先賢  
欲封其墓愚謂二君並宜應書故舉勞則力輸先代論德則惠存  
江南正刑則罪非晉寇從坐則異世已輕若列先賢之數蒙詔書  
之恩裁加表異已寵亡靈則人望克厭誰不日宜二君私奴多在  
墓側今爲平民乞差五人蠲其徭役使四時脩護頽毀埽除堊蕪

永旨爲常

文選類聚四十

閣纘

纘字續伯巴西安漢人惠帝初太傅楊駿曰為舍人轉安復令

駿誅棄官葬駿河開王駟引為西戎司馬封平樂鄉侯屢上疏

擢漢中太守

案隋志梁有隴西太守閣  
纂集二卷未知即此否

上詩表

勞者歌其事貴露蚩鄙

文選任昉谷粒  
示七夕詩啟注

輿棺詣闕上書理愍懷太子

伏見赦文及賜下前太子通手疏曰為驚愕自古曰來臣子悖逆

未有如此之甚也幸賴天慈全其首領臣伏念適生于聖父而至

此者由于長養深宮沈淪富貴受饒先帝父母驕之每見選師傅

下至羣吏率取膏粱擊鍾鼎食之家希有寒門儒素如衛綰周文

后奮疏廣洗馬舍人亦無汲黯鄭莊之比遂使不見事父事君之

道臣案古典太子居曰士禮與國人齒曰此明先王令知先賤然



後乃貴自頃東宮亦微大盛所曰致敗也非但東宮歷觀諸王師友文學皆豪族力能得者率非能遂王陽能曰道訓友無亮直三益之節官曰文學爲名實不讀書但其鮮衣怒馬縱酒高會嬉遊博奕豈有切磋能相長益臣常恐公族陵遲曰此歎息今適可曰爲戒恐其被斥棄逐遠郊始當悔過無所復及昔戾太子無狀稱兵距命而壺關三老上書有田千秋之言猶曰子弄父兵罪應笞耳漢武感悟之築思子之臺今適無狀言語悖逆受罪之曰不敢失道猶爲輕于戾太子尙可禁持檢著目下重選保傅如司空張華道德深遠乃心忠誠曰爲之師光祿大夫劉寔寒苦自立終始不衰年同呂望經籍不廢曰爲之保尙書僕射裴頠明允恭肅體道居正曰爲之友置游談文學皆選寒門孤宦曰學行自立者及取服勤更事涉履艱難事君事親名行素聞者使與其處使嚴御史監護其家絕貴戚子弟輕薄賓客如此左右前後莫非正人師

傳文學可令十日一講使其論議于前敕使但道古今孝子慈親忠臣事君及思愆改過之義皆聞善道庶幾可全昔太甲有罪放之三年思庸克復爲殷明王又魏文帝懼于見廢夙夜自祇竟能自全及至明帝因母得罪廢爲平原侯爲置家臣庶子師友文學皆取正人其相匡矯兢兢慎罰事父曰孝父沒事母曰謹聞于天下于今稱之漢高皇帝數置酒于庭欲廢太子後四皓爲師子房爲傅竟復成就前事不忘後事之戒孟軻有云孤臣孽子其操心也危慮患也深故多善功李斯云慈母多敗子嚴家無格虜由陛下驕適使至于此庶其受罪以來足自思改方今天下多虞四夷未寧將伺國隙儲副大事不宜空虛宜爲大計小復停畱先加嚴誨依平原侯故事若不悛改棄之未晚也臣素寒門無力仕宦不經東宮情不私適念昔楚國處女諫其王曰有龍無尾言年四十未有太子臣嘗備近職雖未得自結天日情同闕寺惺惺之誠皆

爲國計臣老母見臣爲表乃爲臣卜卦云書御卽死妻子守臣涕泣見止臣獨曰爲頻見拔擢嘗爲近職此恩難忘何曰報德唯當陳誠曰死獻忠軀具棺槨伏須刑誅

晉書閻繼傳又見羣書治要二十九引晉書

皇太孫立復上疏

臣前上書訟太子之枉不見省覽昔壺關三老陳衛太子之冤而漢武築思子之臺高廟令田千秋上書不敢正言託曰鬼神之教而孝武大感月中三遷位至丞相乘車入殿號曰車氏恨臣精誠微薄不能有感竟使太子流離沒命許昌向令陛下卽納臣言不致此禍天贊聖意三公獻謀庶人賜死罪人斯得太子曰明臣恨其晚無所復及詔書慈悼迎喪反葬復其禮秩誠副眾望不意呂霍之變復生于今日伏見詔書建立太孫斯誠陛下上順先典曰安社稷中慰慈悼冤魂之痛下令萬國心有所繫迫惟庶人所爲無狀幾傾宗廟賴相國太宰至忠憤發潛謀俱斷奉贊聖意曰成

神武雖周誅一叔漢婦諸呂未足呂喻臣願陛下因此大更釐改  
呂爲永制禮置太子居曰士禮與國人齒爲置官屬皆如朋友不  
爲純臣既使上厭至望曰崇孝道又令不相嚴憚易相規正昔漢  
武既信奸讒危害太子復用望氣之言欲盡誅詔獄中囚酈吉曰  
皇孫在焉閉門距命後遂擁護皇孫督罰乳母卒至成人立爲孝  
宣皇帝苟志于忠無往不可歷觀古人雖不避死亦由世教寬曰  
成節吉雖距詔書事在于忠故宥而不責自晉興已來用法太嚴  
遲速之閒輒加誅斬一身伏法猶可疆爲今世之誅動輒滅門昔  
呂后臨朝肆意無道周昌相趙三召其王而昌不遣先徵昌入乃  
後召王此由漢制本寬得使爲使假令如今呂后必謂昌已反夷  
其三族則誰敢復爲殺身成義者哉此法宜改可使經遠又漢初  
廢趙王張敖其臣貫高謀弑高祖高祖不誅曰明臣道田叔孟舒  
十人爲奴髡鉗隨王隱親侍養故令平安向使晉法得容爲義東

宮之臣得如周昌固護太子得如邴吉距詔不坐伏死諫爭則聖  
意必變太子已安如田叔孟舒侍從不罪者則隱親左右姦凶毒  
藥無緣得設太子不夭也臣每貢東宮臣故無侍從者後聞頗有  
于道路望車拜辭而有司收付洛陽獄奏科其罪然臣故莫從良  
有目也又本置三率盛其兵馬所目宿衛防虞而使者卒至莫有  
警嚴覆請審者此由恐懼滅族今皇孫沖幼去事多故若有不虞  
彊臣專制姦邪矯詐雖有相國保訓東宮擁佑之恩同于邴吉適  
可使玉體安全宜開來防可著于令自今已後諸有廢興倉卒羣  
臣皆得輒嚴須錄詣殿前而受口詔然後爲信得同周昌不遣王  
節不聽臣子隱親得如田叔孟舒不加罪責則永固儲副已安後  
嗣之遠慮也來事難知往事可改臣前每見詹事裴權用心懇惻  
舍人秦戢數上疏啟諫而爰倩贈已九列權有忠意獨不蒙賞謂  
宜依倩爲比已寵其魂推尋表疏如秦戢輩及司隸所奏諸敢拜

辭于道路者，明詔稱揚，使微異于眾，曰勸爲善，曰獎將來也。晉書閣經

又陳宜選擇東宮師傅

今相國雖已保傅東宮，保其安危，至于旦夕訓誨輔導出入動靜，劬勞宜選寒苦之士，忠貞清正，老而不衰，如城門校尉梁柳、白衣南安朱冲比者，曰爲師傅。其侍臣曰下文武將吏，且勿復取盛感豪門子弟，若吳太妃家室及賈郭之黨，如此之輩，生而富溢，無念脩己，率多輕薄浮華，相驅放縱，皆非所補益于吾少主者也。皆可擇寒門篤行學問素士，更履險易，節義足稱者，曰備羣臣。可輕其禮儀，使與古同，于相切磋爲益。昔魏文帝之在東宮，徐幹、劉楨爲友，文學相接之道，竝如氣類。吳太子登、顧譚爲友，諸葛恪爲賓，臥同床帳，行則參乘，交如布衣，相呼曰字，此則近代之明比也。天子之子，不患不富貴，不患人不敬畏，患于驕盈，不聞其過，不知稼穡。

之艱難耳。至于甚者，乃不知名六畜可不勉哉。昔周公親權伯禽，曹參答窟二百，聖考慈父，皆不傷恩。今不忍小相維持，令至闕失，頓相罪責，不亦誤哉。在禮，太子朝夕視膳，昏定晨省，跪問安否，于情得盡。五日一朝，于敬既簡，于恩亦疏，易致構閒。故曰一朝不朝，其閒容乃五日之制。起漢高祖，身為天子，父猶庶人，萬機事多，故闕私敬耳。今主上臨朝，太子無事，專主孝養，宜改此俗。文王世子篇曰：王季一飯亦一飯，再飯亦再飯，安有逸豫。五日一覲哉。晉書闕禮

今迎太子神柩，孤魂獨行，太孫幼沖，不可涉道，謂可遣妃奉迎，遠路令其父衍隨行衛護。皇太子初見誣陷，臣家門無祐，三世假親，具嘗辛苦，已家觀國，固知太子有變，臣故求副監國，欲依邴吉故事，距違來使，俱養擁護，身親飲食醫藥，冀足救危。主者曰：臣名資輕淺，不肯見與，世人見笑，謂為此職進退難居，有必死憂。臣獨曰：爲

苟全儲君，賈氏所誅，甘心所願。今監國御史直副皆當三族，侍衛無狀，實自宜然。臣謂其小人不足具責。故孔子曰：可曰託六尺之孤，臨大節而不可奪，是曰聖王慎選。故河南尹向雄昔能犯難，葬故將鍾會，文帝嘉之，始拔顯用。至于先帝，曰爲右率，如關之事，若得向雄之比，則豈可觸哉！此二使者，但爲愚怯，亦非與謀，但可誅身，自全三族。如郭倣、郭斌，則于刑爲當。又東宮亦宜妙選忠直亮正，如向雄比。陛下千秋萬歲之後，子孫幼沖，選置兵衛，宜得柱石之士。如周昌者，世俗淺薄，士無廉節。賈謐小兒，恃寵恣睢，而淺中弱植之徒，更相翕習，故世號魯公二十四友。又謐前見臣表，理太子曰：閻兒作此爲健，然觀其意，欲與諸司馬家同，皆爲臣寒心。伏見詔書稱明滿奮樂，廣侍郎賈胤與謐親理，而亦疏遠，往免父喪之後，停家五年，雖爲小屈，有識貴之。潘岳、繆徽等皆謐父黨，其相沈浮，人士羞之。聞其晏然，莫不爲怪。今詔書暴揚其罪，竝皆遺出，百



姓咸云清富臣獨謂非但岳徽二十四人宜皆齊賦曰肅風教音

傳 木華

華字玄虛廣川人爲楊駿府主簿

海賦

昔在帝嬀巨唐之代天網浚源爲湖爲滌洪濤瀾汗萬里無際長  
波浩灑迤邐八裔于是乎禹也乃鑿臨崖之阜陸決陂潢而相洩  
啟龍門之峯嶺嶺陵巒而慚鑿羣山既略百川潛滌泱泱澹澹  
波赴勢江河既導萬穴俱流掎拔五嶽竭洞九州瀝滴滲淫蒼蔚  
雲霧涓流泱泱莫不來注於廓靈海長爲委輸其爲廣也其爲怪  
也宜其爲大也爾其爲狀也則乃液澆激灑浮天無岸冲融沉瀆  
渺瀰濞漫波如連山乍合乍散嘓喻百川洗滌淮漢襄陵廣鳥瀝  
瀉浩汗若乃大明撫轡于金樞之穴翔陽逸駭于扶桑之津影沙

巖石蕩颺島濱。于是鼓怒溢浪揚浮。更相觸搏。飛沫起濤。狀如天  
輪膠戾而激轉。又偪地軸挺拔而爭迴。岑嶺飛騰而反覆。五嶽鼓  
舞而相碰。漚瀆淪而溜深。鬱沓迭而隆頽。盤盪激而成窟。漚溥深  
而爲魁。潤泊柏而迪颺。磊劓劓而相颺。驚浪雷奔。駭水迸集。開合  
解會。灑灑溼溼。葩華跋沔。湏湏漑漑。若乃羶臙潛銷。莫振莫竦。輕  
塵不飛。纖蘿不動。猶尙呀呶。餘波獨湧。澎湃滂礫。碾碾歸山。壑爾其  
枝。岐潭淪。渤蕩成汜。乖蠻隔夷。迴互萬里。若乃偏荒速告。王命急  
宣。飛駿鼓楫。汎海凌山。于是候勁風。揭百尺。維長綃。掛帆席。望濤  
遠決。罔然鳥逝。鵝如驚鳧之失侶。倏如六龍之所掣。一越三千。不  
終朝而濟所屆。若其負穢臨深。虛誓愆所。則有海童邀路。馬銜當  
蹊。天吳乍見。而髮鬣。蚺像暫曉。而閃屍。羣妖遶迓。眇臨冶夷。沙帆  
摧棟。戕風起惡。廓如靈變。惚恍幽暮。氣偪天霄。變躡雲布。霍豈絕  
電。百色妖露。呵噉掩翳。曠暎無度。飛澇相礮。激勢相沓。崩雲屑雨。

濛濛汨汨，踈蹕湛灤，沸潰淪溢，灌漑滂澗，蕩雲沃日。于是舟人漁  
子，徂南極東，或屑沒于鼉鼉之穴，或挂罟于岑巖之峯，或掣掣洩  
洩于裸人之國，或汎汎悠悠于黑齒之邦，或乃萍流而浮轉，或因  
歸風以自反，徒識觀怪之多駭，乃不悟所歷之近遠，爾其爲大景  
也，則南澗朱崖，北灑天墟，東演析木，西薄青徐，經途澗溟，萬萬有  
餘，吐雲霓，含龍魚，隱鯤鱗，潛靈居，豈徒積太顛之寶貝，與隨侯之  
明珠，將世之所收者，常聞所未名者，若無且希世之所聞，惡審其  
名故，可仿像其色，變蘊其形，爾其水府之內，極深之庭，則有崇島  
巨壑，崕峴孤亭，摩洪波，指太清，竭磐石，栖百靈，颺凱風而南逝，廣  
莫至而北征，其垠則有天琛水怪，鮫人之室，取石詭暉，鱗甲異質，  
若乃雲錦散文于沙泐之際，綾羅被光于螺蚌之節，繁采揚華，萬  
色隱鮮，陽冰不冶，陰火潛然，焙炭重燔，吹炯九泉，朱燉綠煙，腰眇  
蟬蛸魚，則橫海之鯨，突抗孤遊，夏巖巖，偃高濤，茹鱗甲，吞龍舟，噏

波則洪漣。踳躩吹澗。則百川倒流。或乃踳躩窮波。陸死鹽田。巨鱗  
插雲。鬣刺天。顛骨成嶽。流膏爲淵。若乃巖坻之隈。沙石之嵌。毛  
翼產殼。剖卵成禽。鳧雛離雛。鶴干淋淦。羣飛侶浴。戲廣浮深。翔霧  
連軒。洩洩淫淫。翻動成雷。撥翰爲林。更相叫嘯。詭色殊音。若乃三  
光既清。天地融朗。不汎陽侯。乘蹻絕往。覩安期于蓬萊。見喬山之  
帝像。羣仙縹眇。餐玉清涯。履阜鄉之留鳥。被羽翮之穆纒。翔天沼  
戲窮溟。甄有形于無欲。永悠悠。自長生。且其爲器也。包乾之奧。括  
坤之區。惟神是宅。亦祇是廬。何奇不有。何怪不儲。芒芒積流。含形  
內虛。曠哉坎德。卑且自居。弘往納來。曰宗曰都。品物類生。何有何  
無。文選類聚八

張輔

輔字世偉。南陽西鄂人。爲盩厔令。轉山陽令。累遷尚書郎。封宜  
昌亭侯。轉御史中丞。領本郡中正。遷馮翊太守。進秦州刺史。有

集二卷

上司徒府言楊俊

故梁州刺史楊欣女，自九月二十日出，赴姊喪，殯而欣息，俊因喪服二十六日，強嫁妹與南陽韓氏，而韓氏就楊家共成婚姻，韓氏居妻喪，不顧禮義，三旬內成婚，傷化敗俗，非冠帶所行，下品二等。第二人，今為第四，請正黃紙。通典六十一南陽中正張輔言司徒府

與孫秀賤

輔徒知希慕古人，當官而行，不復自知，小為身計，今義陽王誠弘，恕不目介意，然輔母年七十六，常見憂慮，恐輔將已，怨疾獲罪，願明公留神省察，輔前後行事，是國之愚臣而已。晉書張輔傳

名士優劣論

管仲不若鮑叔，知所奉，知所投，管仲奉主而不能濟，所奔又非濟事之國，三歸反坫，皆鮑不為。晉書張輔傳

世人論司馬遷班固才之優劣多曰固爲勝余曰爲失遷之著述辭約而事舉敘三千年事唯五十萬言固敘二百年事乃八十萬言煩省不敵固之不如遷一也良史述事善足曰獎勸惡足曰鑒戒人道之常中流小事亦無取焉而班皆書之不如二也毀敗虛錯傷忠臣之道不如三也遷旣造創固又因循難易益不同矣又遷爲蘇秦張儀范雎蔡澤作傳是詞流離亦足曰明其大才也故述辯士則辭藻華靡敘實錄則隱核名檢此眞所曰爲良史也晉張輔傳藝文類聚二十一

二御覽四百四十七

世人見魏武皇帝處有中土莫不謂勝劉玄德也余曰玄德爲勝夫撥亂之先曰能收相獲將爲本一身之善戰不足恃也世人曰玄德爲呂布所襲爲武帝所走舉軍東下而爲陸遜所覆雖曰爲呂布所襲未若武帝爲徐榮所敗失馬被創之危也玄德還據徐州形勢未合在荆州劉景升父子不能用其計舉州降魏手下

步騎不滿數千。爲武帝大猷所走。未若武帝爲呂布北騎所禽。勒  
突火之急也。玄德爲陸遜所覆。未若武帝爲張繡所困。挺身逃遁。  
曰。喪二子也。若合高祖。死于彭城。世人方之。不及項羽遠矣。武帝  
于宛下將獲。謂不及張繡矣。而其忌克安忍。無親董公。仁賈文和。  
恆曰。佯愚自免。荀文若揚德祖之徒。多見賊害。孔文舉桓文林等。  
曰。徼倖見殺。良將不能任。行兵三十餘年。無不親征。功臣謀士。曾  
無列土之封。仁愛不加親戚。惠澤不流百姓。豈若玄德威而有恩。  
勇而有義。寬弘而大略乎。諸葛孔明。達治知變。殆王佐之才。玄德  
無強盛之勢。而令委質。張飛關羽。皆人傑也。服而使之。夫明闇不  
相爲用。能不相爲使。武帝雖處安強。不爲之用也。況在危急之  
間。勢弱之地乎。若合玄德。據有中州。將與周室比隆。豈徒三傑而  
已哉。藝文類聚二十二  
御覽四百四十七

樂毅諸葛孔明之優劣。或曰。毅相弱燕。合五國之兵。曰。破強齊。雪

君王之恥圍城而不急攻，將令道窮而義服。此則仁者之師，莫不謂毅爲優。余曰：爲五國之兵，共伐一齊，不足爲強大；戰濟西，伏尸流血，不足爲仁。夫孔明抱文武之德，劉玄德知人之明，屢造其廬，咨曰：濟世至如奇策，泉涌智謀，從橫遂東，說孫權北抗大魏，曰：乘勝之師，翼佐取蜀，及玄德臨終，禪登大位，在撥攘之際，立童蒙之主，設官分職，班敘眾才，文曰：寧內武曰：折衝，然後布其恩澤于中國之民，其行軍也，路不拾遺，毫毛無犯，勳業垂濟，而隕觀其遺文，謀謨弘遠，雅規恢廓，已有功則讓于下，下有關則躬自咎，見善則遷，納諫則改，故聲烈振于遐邇者也。孟子曰：問伯夷之風，貪夫廉，余曰：爲觀孔明之忠，姦臣立節矣。殆將與伊呂爭儔，豈徒樂毅爲伍哉。

誠文類聚二十二  
御覽四百四十七

衛權

權字伯輿，陳雷襄邑人。魏司徒臻孫。元康初，汝南王亮輔政，擢



爲尚書郎

左思三都賦略解序

余觀三都之賦言不苟華必經典要品物殊類稟之圖籍辭義壤  
 瑋良可貴也有符徵土故太子中庶子安定皇甫謐西州之逸士  
 耽籍樂道高尚其事覽斯文而慷慨爲之都序中書著作郎安平  
 張載尚書郎濟南劉逵竝日經學洽博才章美茂咸皆悅玩爲之  
 訓詁其山川土域草木鳥獸奇怪珍異僉皆研精所由紛散其義  
 矣余嘉其文不能默已聊藉二子之遺忘又爲之略解祇增煩重  
 覽者闕焉晉書左思傳作陳留衛瓘乃權之誤魏志衛瓘傳注權  
 作左思吳都賦敘及注敘祖有文辭至于爲注了無所  
 發明直爲應穢紙墨不合傳寫也又瓘乃衛釗子  
 河東安邑人而云陳留衛瓘是轉刻之誤無疑

劉逵

逵字淵林濟南人元康中爲尚書郎歷黃門侍郎累遷侍中有

喪服要記二卷

注左思蜀都吳都賦序

觀中古已來為賦者多矣相如子虛擅名于前班固兩都理勝其辭張衡二京文過其義至若此賦擬議數家傳辭會義抑多精致非夫研覈者不能練其旨非夫博物者不能統其異世咸貴遠而賤近莫肯用心于明物斯文吾有異焉故聊自餘思為其引詰亦猶胡廣之于官箴蔡邕之于典引也晉書左思傳

周衰

哀元康中國子博士

議蘇宙事

事君之道資于事父委質之日貳乃辟也宙受器而退義已周矣諸侯五月而葬同盟至所曰哀其喪矜其孤也苟能致書言嘏祭闕之可也通典九十九

孫兆

兆元康中河南天

議蘇山事

秦罷侯置守漢氏因循郡守喪官有斬衰負土成墳此可謂竊禮之不中過猶不及者也至于赴奔弔祭故將非禮典所載是木代流俗相習委巷之所行耳非聖朝之明式也今之郡守內史一時臨宰轉移無常君遷于上臣易于下猶都官假合從事耳又當故將未殯之前已受天子肅命之任王事敦我密勿所職詩不云乎王事靡盬不遑將父孝子之情猶不得將養父母而況遠是弔祭故將乎其議貶者可謂行人失辭仲尼所曰非子路由爾責于人終無已也通典九十九

劉繇

繇為衛瓘太保主簿

上言請攷榮晦

初矯詔者至。公承詔當免。即便奉送章綬。雖有兵仗。不施一刃。重  
敕出第。單車從命。如矯詔之文。唯免公官。右軍目下。卽承詐僞。違  
其本文。輒戮宰輔。不復表上。橫收公子。孫輒皆行刑。賊害大臣。父  
子九人。伏見詔書。爲楚王所誑。誤非本同謀者。皆弛遣。如書之旨。  
謂里舍人被驅。齋白杖者耳。律受教殺人不得免。死況乎手害功  
臣。賊殺忠良。雖云非謀。理所不赦。今元惡雖誅。殺賊猶存。臣懼有  
司未詳事實。或有縱漏。不加精盡。使公父子。雖賊不滅。冤魂永恨。  
訴于穹蒼。酷痛之臣。悲于明世。臣等身被創痍。殞斂始訖。謹條瓘  
前在司空時。帳下給使。榮晦無情。被黜。知瓘家人數。小孫名字。晦  
後轉給右軍。其夜晦在門外。揚聲大呼。宣詔免公。還第及門。開晦  
前到中門。復讀所齋僞詔。手取公章。綬貂蟬。催公出第。晦案次錄  
瓘家口。及其子孫。皆兵仗將送。著東亭道北圍守。一時之間。便皆斬  
斫。害公子孫。實由于晦。及將人劫盜府庫。皆晦所爲。攷晦一人。眾

奸皆出乞驗盡情偽加已族誅

百官傳

賜進士出身二品銜廣東等處提刑按察使司按察使兼管驛傳事務苗岡王毓藻校刊

全晉文卷一百五終